



Oan it Kolleezje fan  
Deputearre Steaten fan Fryslân  
Provinsjehûs  
Postbus 20120  
8900 HM LJOUWERT

Underwerp: *fersprieding Fryske oersetting gearfetting Europeeske grûnwet*

Drachten, 23-07-2005

Achte kolleezje,

Op 26 maaie l.l. hawwe wy de Referindumkommisje frege wêrom't de Fryske oersetting fan de gearfetting fan de Europeeske grûnwet *nèt* yn Fryslân ferspraat is, wylst de Hollânske edysje *twa* kear hûs oan hûs besoege is.

Op 7 juny 2005 hat mr. E.A. van Bonzel, de skriuwer fan de Referindumkommisje, ús antwurde dat de Fryske útjefte in inisjatyf wie fan de provinsje Fryslân, dy't foar fersprieding nei de Fryske gemeenten soarge hat. Belanghawwenden koene dy dêr dan ophelje.

Op himsels wie it meitsje litten fan in oersetting in treflik inisjatyf fan de provinsje. Wy freegje ús lykwols ôf oft it effekt net folle grutter west hie as dy oersetting ek by de minsken besoege wie. No hat it provinsjale inisjatyf tefolle wei fan symboalpolityk. Op sa'n wize funksjonearret it Frysk yn it iepenbiere libben net echt as twadde rykstaal. Wy tinke dat it foar de hân lein hie om de Fryske oersetting oan de Referindumkommisje oan te bieden om dy hûs oan hûs te fersprieden.

Ek foar de learlingen fan it fuortset ûnderwiis en wurkjende jongerein hie soks (wer) in *sinjaal* wêze kinnen dat it *mienens* is mei de taalpolityk. Foar de status en de takomst fan it Frysk op de skoallen is dat net ûnbelangryk.

Wy wolle der by jimme kolleezje tige op oanstean om alle kânsen oan te gripen om it Frysk te brûken yn it offisjele ferkear en de fierdere maatskippij.

Mei rju achtinge,

S.T. Hiemstra,  
skriuwer FFU